

sortu effusi in venas iterum (269. 280.).
2. a correctione acrimoniae praedominantis, & glutinis simul, quae nulla re felicius, quam per saponacea Chemica absolvitur.

1034. Quae a praedominio lymphae extravasatae orta est, facilius tollitur, ommissa, utpote hic fere nocente, missione sanguinis; datis hydragogis fortissimis statim ad alvum determinatis; tum dissipantibus applicatis; maxime vesicatoriis largissimis, diu apertis; victu exsiccante; fortibus epispasticis, fonticulis, setaceisque.

1035. Si vero a venenis jam producta fuerit, nulla haecenus medela descripta habetur; ut nec illi, quae a polypo.

C A T A L E P S I S.

1036. **C**atoche, Catochus, Catalepsis, dicitur morbus, quo laborans repente, immotus, nec sentiens, illum corporis statum retinet, quem primo momento accedentis morbi habebat.

1037. Hujus ergo proxima causa immobilitas sensorii communis, prout primo momento insultus se habebat.

1038. Ergo sanguinis, cerebrosi, glandularum cerebri, emissariorum ejus absoluta quies, ut in initio.

1039.

1039. Omnes quidem in eo morbo functiones cerebri laeduntur, & illae, quae independent; soli muscoli sic manent tensi, ut in initio erant; caeterum respiratio & pulsus supersunt, at plerumque leves.

1040. Febris intermittens, diu perdurans, maxime quartana; melancholica, sicca, strigosa temperies; menstrua, & haemorrhoides retenta, terrores summi, subitique; profunda, protracta diu in unum objectum meditatio; febres validae in homine sanguinolento accensae, morbum hunc plerumque antecedunt.

1041. Dissecta cadavera demonstraverunt arterias venasque cerebri valde turgescentes fortiter impacto denso cruore.

1042. Sanatur saepe excitata larga narium haemorrhagia.

1043. In alios morbos raro transit; aliquando tamen Epilepsia, Convulsio, Dementia, ἀτρεφία, eum exceperunt, in mortem plerumque finitur.

1044. Curatio tentatur pro varietate causae varia. Excitando per objecta valide in organa sensuum agentia, ut sunt lux, sonus, stimulus, sal volatilis acer, dolor, frictio, motus continuatus; haemorrhagiae ex naribus projectu; haemorrhoidalis, menstruive fluxus projectu; ster-

sternutatoriis; vomitivis; vesicatoriis;
fonticulis; setaceis; victu humectante.

C A R V S.

1045. Carus est apoplexia levis, somnus
vero gravissimus, cum febre,
ex causis maxime cerebrum illaesum com-
primentibus (1010. N^o 3, l. *α. β. γ. δ.*),
aut causis obstruentibus, sed facilius, quam
in apoplexia, solvendis (1010. N. 2. l.
β. γ.): est in hoc aliqua perceptio, sed su-
bitanea; aliquis sensus, sed parvus.

1046. Hinc a caro soluto sanitas, nisi
quod forte titubatio vacillans capitis ali-
quamdiu supersit.

1047. Curatio petenda ex curatione
apoplexiae tradita (1020. ad 1036.)

1048. Coma vigil, Coma somnolentum,
Cataphora, videntur tantum esse Cari le-
viores species (703. ad 710.)

1049. Lethargus autem levior est apo-
plexiae species ex causa frigida, lenta, a-
quosa: unde ex historia apoplexiae ejus
cognitio & curatio petenda (1008. ad
1036.)

Aphor.

R

DE